

Na osnovu člana 143, a u vezi sa članom 146. stav (4). Zakona o srednjem obrazovanju ("Službene novine Kantona Sarajevo" broj: 23/17 i 30/19), člana 7. Pravilnika o izboru, kriterijima za izbor, nadležnostima i radu direktora srednjih škola („Službene novine Kantona Sarajevo“ broj: 46/18), člana 190. Pravilnika o radu Prve bošnjačke gimnazije u Sarajevu broj: 01-1-466/19, i Odluke Školskog odbora, broj: 38/21, od 13.01.2021. godine, Školski odbor Prve bošnjačke gimnazije Sarajevo raspisuje

## **JAVNI KONKURS ZA IZBOR I IMENOVANJE DIREKTORA PRVE BOŠNJAČKE GIMNAZIJE SARAJEVO**

### **I USLOVI ZA IZBOR**

Kandidat za direktora dužan je ispunjavati slijedeće opće i posebne uslove:

#### **1. Opšti uslovi:**

- a) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (nivo države ili entiteta), u periodu od tri godine od dana prijavljivanja na javni konkurs,
- b) da se na njega ne odnosi član IX stav 1. Ustava Bosne i Hercegovine, (član IX stav 1. Ustava BiH glasi: „Nijedno lice koje se nalazi na izdržavanju kazne, izrečene presudom Međunarodnog tribunala za bivšu Jugoslaviju, i niti jedna osoba koja je pod optužnicom Tribunala a koja se nije povinovala naredbi da se pojavi pred Tribunalom, ne može biti kandidat ili imati bilo koju neimenovanu, izbornu ili drugu javnu funkciju na teritoriji Bosne i Hercegovine“),
- c) da nije osuđivan za krivično djelo i za privredni prestup nespojiv sa obavljanjem dužnosti direktora škole,
- d) da nema privatni finansijski interes u Prvoj bošnjačkoj gimnaziji Sarajevo.

#### **2. Posebni uslovi:**

- a) da ispunjava uslove za nastavnika ili pedagoga u školi,
- b) da ima najmanje 8 godina radnog iskustva i od toga najmanje 5 godina na poslovima u nastavi ili na pedagoško-psihološkim poslovima u stepenu stručne spreme koja se traži za radno mjesto,
- c) da ima najmanje VII stepen stručne spreme, odnosno završen najmanje II ciklus bolonjskog visokoobrazovnog procesa,
- d) da ima najmanje zvanje mentora.

### **II SADRŽAJ PRIJAVE**

Kandidati su uz prijavu dužni dostaviti slijedeću dokumentaciju (orginal ili ovjerena fotokopija):

1. Biografiju (CV)
2. Diplomu o stečenoj stručnoj spreml,
3. Uvjerenje o položenom stručnom ispitu,
4. Dokaz o sticanju stručnog zvanja, najmanje zvanja mentor,
5. Potvrda o radnom iskustvu (potvrdu izdaje prethodni poslodavac/poslodavci),
6. Izvod iz matične knjige rođenih,
7. Uvjerenje o državljanstvu (ne starije od 6 mjeseci),
8. Uvjerenje (koje izdaje nadležni sud) da nije potvrđena optužnica ili izrečena pravosnažna presuda ili mjera za jedno ili više krivičnih djela za koje se odredbama

važećeg Krivičnog zakona FBiH može izreći kazna zatvora u trajanju od tri mjeseca i više (ne starije od 3 mjeseca),

9. Izjava kandidata ovjerena od strane nadležnog organa da nije obuhvaćen odredbom člana IX stav 1. Ustava Bosne i Hercegovine,
10. Izjava kandidata ovjerena od strane nadležnog organa da u posljednje tri godine od dana objavljivanja javnog konkursa nije otpušten iz organa državne službe kao rezultat disciplinske mjere na bilo kojem nivou vlasti u Bosni i Hercegovini,
11. Izjava kandidata ovjerena od strane nadležnog organa da nema privatni finansijski interes u Prvoj bošnjačkoj gimnaziji Sarajevo,
12. Pisani razvojni plan i program škole za mandatni period.

**NAPOMENA:** Navedene izjave ovjeravaju se kod nadležnog organa (općina ili notar).

Direktora imenuje Školski odbor Prve bošnjačke gimnazije Sarajevo uz saglasnost Islamske zajednice u Bosni i Hercegovini kao osnivača škole. Direktor se imenuje na mandat od četiri godine.

### **III DOSTAVA PRIJAVE I TRAŽENIH DOKAZA**

Prijavu sa dokazima kandidati dostavljaju preporučenom poštom na adresu Prve bošnjačke gimnazije Sarajevo: Petrakijina broj 22, 71000 Sarajevo sa naznakom "Prijava na javni konkurs za imenovanje direktora - ne otvaraj (otvara Školski odbor)".

Prijave kandidata otvara Školski odbor.

### **IV NAČIN I ROK OBAVJEŠTAVANJA**

Školski odbor će pismenim putem obavijestiti sve kandidate koji su se prijavili na konkurs o Odluci o imenovanju direktora, u roku od 8 (osam) dana od dana donošenja Odluke.

### **V KONKURSNI ROK**

Konkurs ostaje otvoren 15 (petnaest) dana od dana objavljivanja.

Konkurs će biti objavljen na web stranici Ministarstva za odgoj i obrazovanje Kantona Sarajevu i u dnevnom listu "OSLOBOĐENJE" dana 19.01.2021. godine.

Nepotpune i neblagovremene prijave, prijave kandidata koji ne ispunjavaju uvjete ovoga konkursa, kao i fotokopije tražene dokumentacije i izjave koje nisu ovjerene neće se uzeti u razmatranje.

**NAPOMENA:** Izabrani kandidat će ljekarsko uvjerenje biti obavezan dostaviti po izboru, a prije imenovanja na funkciju direktora ove Gimnazije.

Izrazi koji se koriste u ovom javnom konkursu u značenju jednog roda, odnose se jednako na muški i na ženski rod.